



TZITADI METROPOLITANA DE CASTEDDU

STÒRIA E INCÀRRIGUS DE S'ENTI DE SA TZITADI METROPOLITANA DE CASTEDDU



Sa Tzitadi Metropolitana de Casteddu est un'enti territoriali d'àrea manna, istituaia cun s'art.17 de sa Lei Regionali 04.02.2016, n.2 “Riòrdinu de su sistema de is Autonomias Localis de sa Sardigna” e tenit balidadi de su 01.01.2017 a sa Provìntzia de Casteddu (Delibera de Giunta Regionali 25.10.2016, n.57/12).

Faint parti de sa tzitadi metropolitna, in prus de su Comunu de Casteddu, custus comunus: Assèmini, Cabuderra, Deximemannu, Elmas, Maracalagonis, Pauli, Pula, Quartu Sant'Àleni, Quartùciu, Sarrocu, Ceraxus, Sestu, Sètimu Santu Perdu, Sinnia, Uta, Santu Perdu.

Funt membrus de sa Tzitadi Metropolitana de Casteddu: Su Sindigu Metropolitanu, su Cunsillu Metropolitanu e sa Cunferèntzia Metropolitana. Su Cunsillu Metropolitanu tenit incàrrigu po cinco annus. Chi benit rennoau su Cunsillu de su Comunu cabu-de-logu, si protzedet cun eletzionis noas de su Cunsillu Metropolitanu aintru de sessanta diis de sa proclamaura de su Sndigu de su Comunu cabu-de-logu (Lei 07.04.2015, n.56 “Disponimentus po is Tzitadis Metropolitanas, po is Provìntzias, po is Unionis e fusioni de is Comunus”, art.1, comma 21).

Is funtzionis de fundamentu donadas a sa Tzitadi Metropolitana cunforma a s'art.1, comma 44, Lei 07.04.2014, n.56 “Disponimentus po is Tzitadis Metropolitanas, po is Provìntzias, po is Unionis e fusioni de is Comunus” funt.

a) Adotzioni e agiorronamentu annuali de unu Pianu Stratègicu po tres annus de su territòriu metropolitanu, chi est atu de incarreladura po s'enti e po s'esertzitziu de is funtzionis de is comunus e de is unionis de is comunus chi faint parti de su nomenau territòriu, fintzas in relata cun s'esertzitziu de is funtzionis delegadas o assenniadas de is regionis, arrispetendi is leis de is regionis ne is argumentus innui tenint cumpetèntzia;

b) Pianificatzioni territoriali generali, fintzas cun is struturas de comunicatzioni, is arretzas de servìtzius e de is infrastruturas chi funt de cumpetèntzia de sa comunidadi metropolitana, donendi vìncolus e obietivus a s'atividiadi de is cumpetèntzias de is comunus chi faint parti de su territòriu metropolitanu;



TZITADI METROPOLITANA DE CASTEDDU

- c) sistemas coordinaus po sa gestioni de is servitzius pùblicos, organizatzioni de custus servitzius de importu generali po s'àmbitu metropolitanu. Impari cun is comunus chi ndi faint parti, sa tzitadi metropolitana podit predisponni is documentus po fai is garas de apaltu, sa piataforma apaltanti, su compudu de is cuntratus de is servitziu e de s'organizatzioni po is cuncursus e is protzeduras po is seletzionis;
- d) mobilitadi e viabilidadi, asseurendi sa cumpatibilidadi e sa coerèntzia de sa pianificatzioni urbanìstica comunali in su territòriu metropolitanu;
- e) promotzioni e coordinatzioni de su sviluppu econòmicu e sotziali, fintzas asseurendi su sustènniu e suportu de is atividadis econòmicas e de circa innovativas e coerentis cun sa vocatzioni de sa tzitadi metropolitana cumentu inditada in su pianu istratègicu de su territòriu cumentu inditau in sa litera a);
- f) promotzioni e coordinatzioni de is sistemas de informatizzazioni e digitalizzazioni in àmbitu metropolitanu.

In prus de is funtzionis de fundamentu chi ddi cumpetint, funt donadas a sa Tzitadi Metropolitana de Casteddu is cumpetèntzias de sa Provintzia de Casteddu po su pròpiu territòriu, stabilidas de sa Lei Regionali 04.02.2016, n.2 “Riòrdinu de su Sistema de is Autonomias Localis de sa Sardigna” o de àteras leis regionalis, cumentu cussas atribuias a is Unioni de is Comunus e cussas atribuias de is Comunus chi ndi faint parti (art.17 – Istitutzioni de sa Tzitadi Metropolitana de Casteddu, comma 4).

Sa Tzitadi Metropolitana de Casteddu tenit sedi istitutzionali e legali in Casteddu, de pari a pari in “Piazza Palazzo”, Palàtziu de s'Urrei, e in biale F.Ciusa, n.21.

TERRITÒRIU E COMUNUS

Sa Tzitadi Metropolitana de Casteddu est un'enti territoriali d'àrea manna, istituída cun s'art.17 de sa Lei Regionali 04.02.2016, n.2 “Riòrdinu de su Sistema de is Autonomias Localis de sa Sardigna” e arrempratzat de su 01.01.2017 a sa Provintzia de Casteddu (Delibera de Giunta Regionali 25.10.2016, n.57/12).

Faint parti de sa tzitadi metropolitana, in prus de su Comunu de Casteddu, custus àterus comunus: Assèmini, Cabuderra, Quartu Sant'Èlena, Quartùcciu, Sarrocu, Ceràxius, Sestu, Sètimu Santu Perdu, Sinnia, Uda, Santu Perdu.



TZITADI METROPOLITANA DE CASTEDDU

STRUTURA ORGANIZATIVA

Articulatzioni de sa strutura istitutzionali e organizativa.

Su sètiu istitutzionali est formau de is Membrus politicus de Governu: Sindigu metropolitanu, Cunferèntzia metropolitana e Cunsillu metropolitanu.

Custus membrus funt dirìgius de su Diretori Generali e de su Segretàriu Generali.

Sa strutura organizativa est cumpartzida in:

1. Setoris (cun d-unu dirigenti incarriau po sa responsabilidadadi)
2. Servitzius (cun d-unu dirigenti o dipendenti de categoria “D” titulari de positzioni organizativa incarrigau po sa responsabilidadadi)
3. Ofitzius (cun d-unu dirigenti o dipendenti de categoria “D” incarrigau po sa responsabilidadadi).

Su setori est sa strutura chi nd’assecurat sa realizatzioni de is obietivus e atividadis comunas.

Is Setoris formant sa strutura organizativa de fundamentu de s’Enti; is servitzius e is ofitzius funt sa parti prus pitica.

Su schema organizzativu chi individuat e definissit is struturas organizativas de fundamentu (Setoris) benit aprovu cun Decretu de su Sindigu Metropolitanu.

<https://www.cittametropolitanacagliari.it/web/cmdca/storia-dell-ente>